

## **BASES 6AU CONCORS MICRORELATS**

S'auetz compde en Twitter ja podetz participar en 6au concurs de microrelats qu'organizen era Biblioteca Generau de Vielha e er Ajuntament de Vielha e Mijaran en motiu deth sòn vint aniversari.

Entà participar-i, cau que mos seguiskes en Twitter, 'piules' (en mens de 280 caractèrs) eth tònc microrelat e mo l'envies tà @bibliovielha.

Eth tèma deth relat d'enguan qu'ei **Er Univers ena sua Magnitud**: cau que sigue de creacion pròpia e que non age estat premiat en d'alti concorsi. Eth dia 17 de noveme ei eth darrèr dia entà enviar eth vòste microrelat. Es guanhadors auràn coma prèmi un lòt de libres e d'outes sorpresas.

### **Bases:**

#### **1. Condicions entà poder-i participar:**

Eth concurs ei dubèrt a toti es qu'agen un compde en Twitter ([www.twitter.com](http://www.twitter.com)) e que siguen seguidors/es deth compde de Twitter dera Biblioteca Generau de Vielha (@bibliovielha).

**2. Coma i podetz participar:** Eth tèma d'enguan qu'ei Er Univers ena sua magnitud, e es piulades, qu'an d'auer un minimum de 6 paraules e un maximum de 280 caractèrs e an d'èster de creacion pròpia, e an d'èster escrites en aranés. Cau qu'envietz es piulades tà @bibliovielha. Es tuits sense etiquetar o que non s'adrecen dirèctament tath compde dera biblio non seràn pas admetudi.

**3. Categories:** I aurà tres categories, establides per edat: ua entàs menors de 12 ans, ua auta de 12 a 18 ans, e era d'adults, de 18 ans ensús.

**4. Era jurada:** Era jurada serà composada peth personau dera Biblioteca Generau, era sua decision serà inapel·lable e pòt declarar eth concurs desèrt. Eth liurament des prèmis se harà eth dia 25 de noveme, ath laguens des actes de celebracion deth 20au aniversari dera Biblioteca Generau de Vielha.